



Republika e Kosovës / Republic of Kosova
Komuna - Municipality
Hani i Elezit



01/Nr. 7133/2023
Data: 22.08.2023

PROCESVERBAL I KUVENDIT TË KOMUNËS

Procesverbali nga mbledhja e shtatë -VII- e Kuvendit të Komunës, mbajtur me datë 31.07.2023 me fillim pune në ora 11:00 në sallën e Kuvendit të Komunës. Të pranishëm ishin: **Mehmet Ballazhi** (Kryetar i Komunës), **Natyra Kalisi** (Drejtoresh e Administratës), **Kimete Kuka -Hasallari** (Drejtoreshë për Shëndetësi dhe Mirëqenie Sociale), **Nexhmedin Daci** (Drejtorja për Urbanizëm Kadastër dhe Mbrojtje të Mjedisit), **Lindita Ballazhi** (Drejtoresh për Buxhet dhe Financa), **Hisni Luri** (Drejtor për Arsim, Kulturë, Rini dhe Sport), **Arsim Dernjani** (Drejtor për Shërbime Publike dhe Emergjencë), **Abduraman Bushi** (Drejtor për Bujqësi, Pylltari dhe Zhvillim Rural), **Majlinda Kaloshi** (Drejtoresh për Zhvillim Ekonomik), **Sara Berisha** (Asistente e Kryesuesit të Kuvendit të Komunës), **Sevime Bajrami** (Kryesuese e Komisionit të Aksionarëve të NPL Pastrimi), **Bashkim Sopa** (Zyrtarë për Informim). Kryesuesi pasi konstatoi prezencën e anëtarëve të kuvendit, konstatoi se mungon një anëtarë i Kuvendit të Komunës (znj. Hyriete Isufi).

RENDI I PUNËS

1. Miratimi i procesverbalit nga mbledhja e kaluar.
2. Raporti financiar për periudhën Janar – Qershor 2023.
3. Plotësim-ndryshim i vendimit me numër 01/Nr. 5011/2023 për bartjen e mjeteve të pa shpenzuara nga viti 2020, 2021 dhe 2022 në vitin 2023".
4. Raporti financiar për periudhën Janar – Qershor 2023 i N.P.L "Pastrimi" sh.a.
5. Njoftim për aktivitetet e Këshillit Komunal për Siguri në Bashkësi për gjashtë mujorin e vitit 2023.
6. Informatë për sektorin e emergjencave.
7. Të ndryshme.

Kryesuesi thekson:- a keni edhe ndonjë diskutim për rendin të punës, nëse nuk ka e hedh në votim; rezultati i votimit ishte njëzëri.

U MIRATUA RENDI I PUNËS

1. Miratimi i procesverbalit nga mbledhja e kaluar.

Kryesuesi thekson:- a keni ndonjë vërejtje rreth procesverbalit, nëse nuk ka e hedh në votim; rezultati i votimit ishte njëzëri.

U MIRATUAR PROCESVERBALI NGA MBLEDHJA E KALUAR

2. Raporti financiar për periudhën Janar – Qershor 2023.

Kryesuesi thekson:- për këtë pikë të rendit të punës hapi diskutimin.

Lindita Ballazhi thekson:- buxheti i miratuar për vitin fiskal 2023 është në shumë prej 3,349,715.00 €, në kategorinë paga dhe mëditje shpenzimi është në shumë prej 960,996.65 € apo 56.43%, në kategorinë mallra dhe shërbime shpenzimi është në shumë prej 177,869.89 € apo 38.25%, në kategorinë ekonomike shërbime komunale shpenzimi është në shumë prej 35,558.54 € apo 36.85%, në kategorinë ekonomike subvencione dhe transfere shpenzimi është në shumë prej 57,258.08 € apo 57.25%, në kategorinë ekonomike shpenzime kapitale kemi shpenzuar 29,439.15 € apo 2.98%. Totali i shpenzimit për periudhën Janar – Qershor të vitit 2023 është në shumë prej 1,261,122.61 € apo 37.64%. Komuna e Hanit të Elezit ka arritur të arkëtoj gjithsejtë 165,032.38 € të hyra vetanake për periudhën Janar-Qershor 2023 të planit të të hyrave vetanake.

Ajnure Thaçi thekson:- çka ka ndikuar që kemi shpenzime kapitale në shumë prej 2.98 % . Në faqe dhjetë keni potencuar subvencionet , kërkoj sqarim se kush është subvencionuar për shkak se po që se krahasohet me vitin paraprak kemi një diferencë të subvencioneve.

Lindita Ballazhi thekson:- për investimet kapitale drejtoritë përgjegjëse mund të japin informacion se deri ku janë zhvilluar procedurat, ndërsa për çështje të subvencioneve do tu a përcjelli materialin me shkrim.

Sherif Berisha thekson:- cili është buxheti final aktual nga buxheti i miratuar dhe sa është dallimi i buxhetit sipas Ligjit të Buxhetit me atë aktual. Sa është shuma e rritjes nëse keni pasur rritje. A ka rritje nga Ministrinë apo nga donacionet. Te shpenzimet e pagave shihet që ka një përqindje prej 56.43 % që do të thotë se ka një mbi shpenzim dhe nëse vazhdohet me këtë ritëm i bien që në muajin nëntor dhe dhjetorë do të mbesim pa paga. Te mallrat dhe shërbimet nuk e dimë se çfarë shpenzime janë shpenzuar për kodin 13460 . Shërbime kontraktuese shihet që është rritur shuma nga 6543.62 € në 29339.92 € që në të njëjtën periudhë shpenzimi në përqindje i bien 348 %. Shpenzimet për ushqim dhe pije janë rritur në 113% , shpenzimet për karburante janë rritur në 226 % që do të thotë që veturat nëpër shtëpia po ju shkojnë të gjithë drejtorëve. Shpenzimet e pastrimit janë rritur në 226 % . Mirëmbajtja e ndërtesave është rritur për 320 % . Shpenzimet e telefoisë mobile janë rritur 54.9 % . Shpenzimet e drekave zyrtare janë ngritur për 42 % . Te subvencionet dhe transferet çfarë shpenzime janë bërë në kuadër të kodit 21200. Te kategoritë e shpenzimeve kapitale keni shpenzuar 3 % të buxhetit që shihet që është një menaxhim jo i mirë për këtë gjashtë mujorë.

Lindita Ballazhi thekson:- nuk është e vërtetë që në raport nuk është cekur se sa është buxheti fillestar apo në bazë të ligjit të buxhetit si dhe buxheti final. Në faqe tre e kemi buxhetin në bazë të ligjit të buxhetit, pastaj vijon faqja pesë që këtu e kemi buxhetin edhe në bazë të ligjit të buxhetit, në bazë të hyrave vetanake, financimin prej granteve , të hyrat vetanake komunal dhe i keni të gjitha shtimet e buxhetit që ka ndodhur në bazë të granteve të tjera të jashtme siç mund ta shihni në faqen shtatë ma saktësisht që kemi grante të cilat janë të bartura vit pas viti si dhe Unioni Evropian një pjesë që ka mbetur prej këtij donacioni si dhe nga Qeveria Japoneze që do të thotë buxhetin me gjithë këto grante e keni në faqe shtatë. Dallimi në bazë të ligjit të buxhetit dhe buxhetit finalë është 48 713.48 € dhe këtu kanë ndikuar donacionet që i potencova. Sa i përket kategorisë së pagave dhe shtesave buxheti planifikohet një vit përpara dhe miratohet në muajin shtatorë të vitit vijues për vitin e ardhshëm dhe me buxhetin me të cilin ne operojmë është miratuar në kuvend komunal në vitin 2022 në muajin shtatorë. Në momentin që ne e kemi planifikuar buxhetin për kategorinë paga dhe shtesa e kemi planifikuar në bazë të koeficienteve dhe pagave aktuale dhe ligji i ri i pagave ka hyrë në fuqi në muajin shkurtë të vitit aktual dhe planifikimi për këtë kategori ishte në bazë të ligjit të vjetër të pagave. Me ligjin e ri të pagave ka disa ngritje për shumicën e pozitave dhe kjo ka ndikuar që 56 % të shpenzohet buxheti për këtë kategori dhe si komunë nuk mbajmë përgjegjësi nëse do të ketë mungesë të mjeteve në këtë kategori sepse normalisht duhet që qeveria t'i mbulojë nëse kemi mungesë të mjeteve. Në krahasim me vitin e kaluar janë zhvilluar më shumë aktivitete dhe ka ndikuar edhe rritja enorme e çmimeve por për momentin nuk i kam të gjitha informacionet të cilat i keni kërkuar por do tu a përcjell me shkrim.

Mehmet Ballazhi thekson:- më tridhjetë shtatorë në vitin e kaluar është miratuar buxheti në Kuvendin e Komunës, e ligj të ri të pagave nuk ka pasur dhe nuk ka pasur ndonjë paralajmërim se si do të jenë pagat me Ligj të ri dhe është çështje e Qeverisë çështja e pagave . Ju e dini që Qeveria Japoneze na i ka dërguar mjetet në muajin dhjetorë të vitit të kaluar dhe nuk ka kur far mundësi që brenda një muaji me i zhvilluar procedurat për me i shpenzuar ato mjete. Jemi në fund të muajit korrik dhe mjetet financiare janë të zotuar por nuk janë të shpenzuara por në raportin e kryetarit të komunës do të jenë të paraqitura. Është mirë me u sqaruar për shpenzimet se ku janë shpenzuar por me u paragjykuar është keq dhe nëse është keqpërdorë duhet ta potenconi që ky kodë buxhetorë me këto mjete është keqpërdorë në këto vende dhe është mirë që të potenconi se cilit drejtori i ka shkuar vetura te shtëpia dhe është mirë të specifikohet . Në këtë vit është marr vendim në kuvend për festivalin në shumë prej 18,500.00 € që i ka rrit shpenzimet dhe kur ka dinamizëm rriten ushqimet, shpenzimet e derivateve , shpenzimet për mallra dhe shërbime që do të thotë që rriten të gjitha këto për shkak të aktiviteteve që i bëjmë. Te shpenzimet kapitale ende nuk janë kryer pagesat.

Refet Kalisi thekson:- furnizimi me ushqim dhe pije a përfshihet ushqimi apo vetëm pijet për shkak se është një shumë e madhe në krahasim me vitin e kaluar. Është potencuar qiraja për makineri, kërkoj sqarim. Te projektet kapitale që janë përfshirë shtrimi me kupëza në të gjitha fshatrat është e njëjta edhe tash por është mirë me i definuar . Muret mbrojtëse e di që kemi pasur problem në Lagje të re por nuk është dashur të ceken në të gjitha fshatrat por të specifikohet.

Lindita Ballazhi thekson:- kodi 13620 është furnizim me ushqim dhe pije dhe ky shpenzime ka të bëjë me shpenzimet e bifesë dhe të çerdhes. Është qiraja për veturën për nevojat e administratës komunale dhe QKMF-së.

Mehmet Ballazhi thekson:-jemi të detyruar me i përmendë për shkak se na del problem nëse dum me bërë një mur mbrojtës nëse nuk e kemi të përfshirë.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATU RAPORTI FINACIARË PËR PERIUHDHËN JANAR- QERSHOR

3. Plotësim-ndryshim i vendimit me numër 01/Nr. 5011/2023 për bartjen e mjeteve të pa shpenzuara nga viti 2020, 2021 dhe 2022 në vitin 2023".

Kryesuesi thekson:- për këtë pikë të rendit të punës hapi diskutimin.

Lindita Ballazhi thekson:- Ministria e Financave ka marr vendim për me i bartur të hyrat jo vetëm të viti 2022 por edhe të viteve paraprake dhe kemi mjete financiare të cilat kanë mbetur të pa shpenzuara që nga viti 2020 dhe 2021 dhe dallimi është në shumë prej 10,252. 04 €. Në material i keni të specifikuar në detale.

Sherif Berisha thekson:-bartja e të hyrave është bërë tri herë në muajin shkurt , në muajin qershor dhe në muajin korrik dhe na tregoni shumën e të hyrave për vite të ndara për vitin 2020, 2021 dhe 2022 sepse bartja e të hyrave bëhte nga viti 2021 dhe 2022 për vitin 2023.

Lindita Ballazhi thekson:- hera e parë ka qenë kërkesa për bartjen e të hyrave të pa shpenzuara duke i përfshirë gjithë këto vite 2020, 2021 dhe 2022 por në atë kohë kur kemi bërë kërkesën për bartje Qeveria nuk e lejonte bartjen e mjeteve nga viti 2020-2021 por vetëm nga viti 2022 dhe për këtë arsye është dashur me ndërruar kërkesën për bartje duke e përfshirë vetëm vitin 2022 që do të thotë që herën e dytë ka qenë kërkesa për bartje të mjeteve nga viti 2022 . Tash kemi pranuar vendimin prej Qeverisë që lejohen mjetet financiare të cilat janë të pa shpenzuara jo vetëm prej vitit 2022 por edhe nga vitet më të vjetra. Në material janë të specifikuar në detale.

Zaim Bela thekson:- a vetëm shuma e mjeteve financiare prej 1000 € ka mbetur prej viti 2020.

Lindita Ballazhi thekson:- të hyrat vetanake të bartura nga viti 2020 dhe 2021 në vitin 2022 kanë qenë në shumë prej 72,737.76 €, ku prej këtyre janë shpenzuar vetëm 62,485.72 €, ndërsa për bartje kanë mbetur edhe 10,252.04 €. Të hyrat vetanake të realizuara gjatë vitit 2022 kanë qenë në shumë prej 358,827.93 €, prej tyre janë të shpenzuara 243,822.54 €, kurse për bartje kanë mbetur 115,005.39 €. Pra në total, të hyrat vetanake të pashpenzuara të viteve 2020, 2021 dhe 2022 janë në shumën prej 125,257.43 €, të cilat i bartim në vitin 2023.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

U MIRATUA PLOTËSIM-NDRYSHIMI I VENDIMIT ME NUMËR 01/NR 5011/2023 PËR BARTJEN E MJETEVE TË PA SHPENZUARA NGA VITI 2020, 2021 DHE 2022 NË VITIN 2023

4. Raporti financiar për periudhën Janar – Qershor 2023 i N.P.L “Pastrimi” sh.a.

Kryesuesi thekson:- për këtë pikë të rendit të punës hapi diskutimin.

Sevime Bajrami thekson:- përveç materialit të cilin e kemi përcjell diçka të veçantë nuk kam.

Sherif Berisha thekson:-a ka pasur fitim apo humbje për këtë periudhë të vitit 2023 , nëse ka pasur fitim apo humbje cila është shuma e fitimit apo humbjes . Të hyrat tjera prej Ministrisë së Punës është shuma prej 756.00 për çfarë arsye janë transferuar këto mjete te kompania “Pastrimi”. Shpenzimet e kompanisë në paga dhe mëditje pse shpenzimet e kontributit të punë marrësit , punë dhënësit dhe tatimit në burim janë më të mëdha në krahasim me gjashtë mujorin e vitit 2022 dhe në tabelë totali pagave në vitin 2023 është më i vogël se sa në vitin 2022 , kërkoj sqarim për këtë çështje. Te tatimet 8 % është paguar një shumë prej 2354.26 € , ndërsa për të njëjtën të viti 2022 shpenzimet janë zero zero , kërkoj sqarim. Te lista e punëtorëve shënon një punëtorë mirëmbajtës i programit Pro Data dhe shuma e kompensimit është 120 € kërkoj sqarim se për çfarë periudhe paguhet ky punëtorë dhe pse ka nevojë me bërë shpenzime për këtë nëse program është paguar nga kompania. Kërkoj informacion për tre punëtorët të cilët e kanë ndërprerë marrëdhënien e punës dhe janë punësuar në sektorë të tjera. Pse paga e arkatarës është e njëjtë me pagën e financierit dhe a është kjo punëtorë me kontratë të veçantë dhe a i është vazhduar kontrata.

Refet Kalisi thekson:- kemi biseduar për çështjen e ngritjes së pagave të punëtorëve në kompani por kemi bërë edhe ngritjen e tarifave a keni ndonjë informacion nga bordi se a ka ndërmarr diçka në këtë drejtim për shkak se punëtorët e kompanisë i kanë pagat e ulëta.

Mehmet Ballazhi thekson:- çështjen e pagave e kemi diskutuar por mundësit kanë qenë të mangëta për me u a ngritur pagat por kompania dhe kompania e ka bordin i cili vendosë për çështjen e ngritjes së pagave.

Sevime Bajrami thekson:- te totali i të hyrave dhe shpenzimeve shihet fitimi i kompanisë se sa është. Shuma prej 756.00 € ka të bëjë me punësimin e një punëtori të cilin 70 % e paguan Ministria e Punës ndërsa 30 % kompania.

Zaim Bela thekson:- a ka ndonjë familje e cila nuk ka kontratë dhe sa është numri i atyre që nuk janë të përfshirë në kompani.

Kryesuesi thekson:- janë duke e praktikuar përmes tiketave dhe shihet që është rritur numri i kontratave. A keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

5. Njoftim për aktivitetet e Këshillit Komunal për Siguri në Bashkësi për gjashtë mujorin e vitit 2023.

Kryesuesi thekson:- për këtë pikë të rendit të punës hapi diskutimin.

Mehmet Ballazhi thekson:- në material i keni të gjitha temat të cilat i kemi diskutuar dhe aty ku kemi pasur mundësi me ndërmarr hapa janë ndërmarr por nuk është faktori i vetëm institucioni i Këshillit për Siguri në Bashkësi se pastaj involvohet prokuroria dhe instancat tjera por ne i trajtojmë si çështje dhe sipas procedurave përcillen më tutje dhe se çka ndërmarrin institucionet tjera është çështje tyre por si tema i kemi trajtuar të gjitha.

Sherif Berisha thekson:- është mirë me diskutuar çështjen e zhurmës pas orës njëzet e katër . Çështja e dukurive negative është mirë me i biseduar vazhdimisht. Kamerat janë vendosur dhe diskutohet në disa vende që janë hequr. Pasi që janë vendosur kamerat është një lehtësim për organet e rendit që me pas sa më shumë kujdes për dukuritë negative.

Mehmet Ballazhi thekson:- sa i përket zhurmës ju e dini që është koha e mërgimtarëve që vijën dhe ndoshta krijohet një lloj tollovie dhe është problematike me u marr drektë me çështjen e zhurmës sepse nuk kemi aparate për me përcaktuar nivelin e zhurmës dhe kjo kohë mund të zgjatë deri në fund të gushtit dhe shyqyr që ka gjallëri. Për çështjen e kamerave ajo që ka qenë nën përgjegjësinë tonë, e kemi kryer dhe i kemi udhëhequr procedurat për vendosjen e kamerave dhe riparimin e tyre sipas kërkesës zyrtare të policisë që i ka përcaktuar pikat por mirëmbajtjen e tyre nuk e kemi sepse ju e dini që para se me ardhur kryetarë kamerat janë kontrolluar prej komunës por sipas ligjit i kam hequr për shkak se ka qenë shkelje ligjore dhe tash është në kompetencë të policisë. Për dukuritë e tjera të gjithë jemi të përkushtuar me i hequr dukuritë negative dhe nëse keni ndonjë informatë konkrete është mirë që ta njoftoni komunën, policës dhe organet përgjegjëse.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

6. Informatë për sektorin e emergjencave.

Kryesuesi thekson:- për këtë pikë të rendit të punës hapi diskutimin.

Arsim Dernjani thekson:-diçka të veçantë nuk kam përveç materialit të cilin e kam përcjell.

Zaim Bela thekson:- janë shënuar ndërhyrjet por nuk është cekur se ku ka pasur zjarre dhe nuk është cekur se a ka pasur dëme.

Sherif Berisha thekson:- a keni informacion për çështjen e rrugës Hani i Elezit- Gorancë se çka është tu ndodhur për shkak se ka rrezikshmëri nga shembja e dheut dhe gurëve.

Mehmet Ballazhi thekson:- për këtë çështje është angazhuar nënkryetari i komunës por edhe në takimin e fundit që kam pasur me zëvendës ministrit e infrastrukturës ka potencuar që deri në fund të muajit qershor i kemi dhënë afat kompanisë që është dashur me i kryer punimet dhe tash është muaji korrik dhe nuk kemi ndonjë informacion .

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

7. Të ndryshme.

Kryesuesi thekson:- për këtë pikë të rendit të punës hapi diskutimin.

Resul Suma thekson:- dritat ka pjesa e poshtme e komunës janë ndërprerë. Ankesë kam pranuar prej banorëve të fshatit Dermjak dhe Dimcë për te fabrika e ujit në fshatin Dimcë është rrezik për shkak trafos dhe fabrika është e hapur , mund të hynë dikush dhe të ndodhë ndonjë incident, duhet të ja tërheqëni vërejtjen kompanisë “Bifurkacioni” për këtë çështje. Drejtoria ka pranuar një donacion te shkolla për disa deflibilatorë dhe janë shumë të mirë por a është organizuar ndonjë trajnim për përdorimin e tyre. Komiteti për komunitete e ka parë të arsyeshme së më herët kishte qenë e rregullume me rregullore që një barnatore deri në mëngjes me qenë hapur për shkak që QKMF punon njëzet e katër orë sepse ka raste që nëse nuk e qelë dikush një barnatore pacientët mbesin pa barna. Te parku “Isa Berisha” a kanë përfunduar punimet sepse shihet që sistemi i ujitjes nuk është mirë dhe shumica e parkut është djegë për shkak se ka pak ujë . Te parku te komuna sistemi i ujitje është rregulluar me qenë pikë pikë dhe e shohë një flutur që sillet aty dhe nuk e di a mundet me e ujitur komplet parkun. Problemi i cili ka ndodhur me bletarët është mirë me na i sqaruar këtë.

Arsim Dernjani thekson:- çështjen e mos funksionit të dritave do ta shikojmë se ku është problemi. Te çështja e ujit të Dimcës atë pjesë e kam rregulluar privatisht por e kanë dëmtuar përsëri por kam biseduar me përfaqësuesit e kompanisë “Bifurkacioni dhe kanë potencuar që e kanë një projekt për me rregulluar atë pjesë.

Hisni Luri thekson:- donacioni i deflibilatorëve është donacioni më i madh që KFOR-it Italianë që e ka dhuruar deri më tani dhe nuk na i kanë dhënë deflibilatorët pa e kryer edhe trajnimin por dy mësimdhënëse kanë qenë në shkollën për të cilën ka me u pajisur me deflibilator.

Nexhmedin Daci thekson:- sa i përket parkut po thuaj se faza e dytë ka përfunduar dhe vetëm pranimi teknik ka mbetur dhe me çështjen e ujitjes kemi probleme por do të mundohemi me bërë zgjidhje. Te gypat e sistemit të ujitjes të parku te komuna sipas informacioneve që mi kanë dhënë janë zënë për shkak të ujit që vjen me baltë por problem ujitjen nuk e kemi.

Refet Kalisi thekson:-isha në QKMF për me i kryer disa analiza dhe potencuan që nuk bahen për shkak se nuk kemi material afër dy javë, a është furnizuar me material sektori i laboratorit.

Kimete Kuka -Hasallari thekson:-është e vërtet që nuk ka pasur material për shkak të përmbushjes së kontratës me operatorin ekonomik e cila ka përfunduar dhe procedurat e tenderimit marrin kohë deri sa të kryhen, janë rregulluar çështjet procedurale dhe laborator funksionon. Është rregullorja dhe do ta shikojmë këtë çështje.

Majlinda Kaloshi thekson:-gjatë muajit maj dhe qershor njëzetë gra kanë qenë të angazhuara me një trajnim për bletari nga organizata Women for Women dhe kanë pasur përfitim nga organizata me një shumë të caktuar për të cilën janë dakorduar pjesëmarrësit. Gjatë procedurave të tyre të prokurimit ka ndodhur një keqkuptim ndërmjet operatorit ekonomik dhe organizatës që kanë hasur në pakënaqësi dhe ju kanë drejtuar komunës me ankesë për këtë çështje dhe drejtoria ka kontaktuar me organizatë dhe kemi hasur në mirëkuptim dhe pas tri dite janë zëvendësuar pajisjet e tjera të cilat kanë qenë në mungesë. Për këtë rast komuna ka qenë vetëm një urë lidhëse ndërmjet organizatës dhe komunitetit.

Zaim Bela thekson:- a janë mundësit që në vjeshtën e ardhshme me u subvencionuar fermerët të cilët mbjellin grurë apo me plehra artificiale.

Abduraman Bushi thekson:- vitin e kaluar kanë qenë dymbëdhjetë hektarë ndërsa në këtë vit tridhjetë e katër. Sa i përket subvencionimit kemi me i subvencionuar pjesërisht mbjelljet në vjeshtë dhe fillimisht do të shikohen se sa do të ketë kërkesë dhe brenda mundësive buxhetore që i kemi do t'i subvencionojmë .

Sherif Berisha thekson:-është mirë me i njoftuar bujqit me kohë për shkak se vjeshta vjen shumë shpejtë

Xhevahir Dernjani thekson:-është mirë që nuk kemi pasur zjarre deri më tani. Është mirë që me bërë zgjidhje drejtoria e urbanizmit te parku për shkak se 300 deri në 400 persona po dalin në mbremje dhe nga kjo foltore kam potencuar që atë park ne ta shfrytëzojnë qytetarët e Komunës së Hanit të Elezit dhe komuna duhet ta mirëmban.

Sherif Berisha thekson:- kërkoj nga drejtoria për urbanizëm se deri ku kanë mbërri procedurat për inspektor të ndërtimit. Kryetari i komunës ka pasur një takim me pronarët e shitoreve të cilët janë te kufiri është mirë të na njofton.

Nexhmedin Daci thekson:-çështja e inspektorit është në kuadër të drejtorisë për shërbime publike sepse është konflikt interesi me qenë në kuadër të drejtorisë për urbanizëm dhe kemi kërkuar me kontratë mbi vepër dhe nuk është paraqitur askush.

Mehmet Ballazhi thekson:- javën e kaluar kam pasur takim me pronarët dhe i kemi njoftuar për projektin që do të zhvillohet në atë pjesë dhe për largimin e atyre aseteve duke filluar nga data një shtatorë deri me datën një tetor është afati i largimit. I kemi ofruar mundësin për bashkëpunim nëse dikush nuk i ka mundësit. Që duhet me u larguar janë të njoftuar në takimin që e kemi pasur në sall të Kuvendit të Komunës.

Hanumshahe Dibrani thekson:- kërkoj nga drejtoria për shërbime publike një sqarim për çështjen e ujit. Kërkoj që të vendosen shporta për mbeturina te Lagjja e Re.

Arsim Dernjani thekson:-informacion nga kompania Bifurkacioni nuk kam më shumë për çështje të ujit përveç se më ka njoftuar se që nga dita e nesërme do të fillojnë punën katër punëtorët që janë pranuar. Për çështje të shportave për mbeturina kemi planifikuar edhe për qytet edhe nëpër fshatra.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka shpalli të mbyllur mbledhjen.

Ju faleminderit për pjesëmarrje.

Mbledhja përfundoi në ora 12:44.

Procesmbajtësi
Avni Bushi



Kryesuesi i Kuvendit
Florim Shkreta

